

***VEDTEKTER  
FOR  
BARNEHAGANE***



***NISSEDAL KOMMUNE***

# Vedtekter for barnehagane vedteke i k-sak 14/11

## VEDTEKTER FOR BARNEHAGANE I NISSEDAL KOMMUNE

### 1. Eigar – og driftsforhold.

Nissedal kommune eig og driv Treungen barnehage, Haugsjåsund barnehage og barnehagen ved Kyrkjebygda oppvekstsenter.

Barnehagane er administrativt underlagt rådmannen.

### 2. Grunnlag for barnehagedrifta.

Dei kommunale barnehagane vert drivne i samsvar med Lov om barnehagar med forskrifter, rammeplan for barnehagen og kommunale vedtak.

Barnehagane skal ha samarbeidsorgan i samsvar med Lov om barnehagar.

### 3. Barnehagen si oppgåve – Føremål.

Barnehagen skal gje barna eit godt miljø med vekt på lek og samvær med andre barn og vaksne. Saman med heimen skal barnehagen skape eit miljø som sikrar barnet individuell og gruppevis omsorg og støtte, stimulering, læring og etisk rettleiing. Barnehagen skal vere ein del av bygdemiljøet og ta vare på kulturverdiane i bygda, talemål, sed og skikk.

Føremål:

Barnehagen skal byggje verksemda på dei etiske grunnverdiane som er forankra i Lov om barnehage §1.

Denne lyder slik:

*”Barnehagen skal i samarbeid og forståelse med hjemmet ivareta barnas behov for omsorg og lek, og fremme læring og danning som grunnlag for allsidig utvikling. Barnehagen skal bygge på grunnleggende verdier i kristen og humanistisk arv og tradisjon, slik at respekt for menneskeverdet og naturen, på åndsfrihet, nestekjærlighet, tilgivelse, likeverd og solidaritet, verdier som kommer til uttrykk i ulike religioner og livssyn og som er forankret i menneskerettighetene.*

*Barn skal få utfolde seg skaperglede, undring og utforskertrang.*

*De skal lære å ta vare på seg selv, hverandre og naturen. Barna skal utvikle grunnleggende kunnskaper og ferdigheter.*

*De skal ha rett til medvirkning tilpasset alder og forutsetninger.*

*Barnehagen skal møte barna med tillit og respekt, og anerkjenne barndommens egenverdi. Den skal bidra til trivsel og glede i lek og læring, og være utfordrende og trygt sted for fellesskap og vennskap. Barnehagen skal fremme demokrati og likestilling og motarbeide alle former for diskriminering.”*

### 4. Samarbeidsutval

For å sikre samarbeidet med heimen skal kvar barnehage ha foreldreråd og samarbeidsutval.

Foreldrerådet er sett saman av alle foreldra/føresette i barnehagen.

Samarbeidsutvalet er sett saman av tilsette og foreldre i barnehagen slik at kvar

gruppe er likt representert. Barnehagen sin eigar skal delta, men ikkje ha fleire representantar enn kvar av dei andre gruppene.

Kommunen kan bestemme om det skal vera eit felles samarbeidsutval for kommunal barnehage og grunnskule som blir organisert på same vis med omsyn til representantar.

I Nissedal er det felles samarbeidsutval for Treungen og Haugsjåsund barnehage. Kyrkjebygda oppvekstsenter har eige samarbeidsutval.

Samarbeidsutvalet konstituerar seg sjølv. For kvar representant skal det veljast ein personleg vararepresentant.

Samarbeidsutvalet skal vere eit rådgjevande, kontaktskapande og samordnande organ for føresette og tilsette i barnehagane.

## **5. Barnehagetilbodet.**

Kommunen godkjenner antal barnehageplassar i dei ulike barnehagane.

Nissedal kommune gjev fylgjande barnehagetilbod:

**Treungen barnehage** gjev tilbod om 5 dagar, 4 dagar, 3 dagar, 2 dagar. .

**Haugsjåsund barnehage:** gjev tilbod om 5 dagar, 4 dagar, 3 dagar, 2 dagar.

**Kyrkjebygda oppvekstsenter:** gjev tilbod om 5 dagar, 4 dagar, 3 dagar, 2 dagar.

Kommunestyret vedtek åpningstidene i dei ulike barnehagane.

Alle barnehagane er godkjent for barn frå 1 år, og dermed må barn ha fylt 1 år før dei kan få plass i barnehagen.

Personalet har 5 planleggingsdagar i året. Barnehagen er stengt desse dagane.

Barnehagen er stengt jule- og nyttårsaftan.

Barnehagen er open virkedagane mellom jul og nyttår, og dagane før påskehelga.

Føresette må seinast 14 dagar før høgtida melde frå om barnet/barna kjem desse dagane.

Dette for å få gjennomført ferieavvikling og avspasering for personalet.

### **Ferie.**

Eit barnehageår er frå den måndag nærast 15 august inneverande år til fyrste måndag nærast 15 august neste år.

Barna skal i løpet av barnehageåret ta ut 4 vekers ferie. Tre veker skal vera samanhengande.

Barnehagane er stengt i veke 29 og 30 Foreldre kan velge å ta ut ferie for barnet minimum veke 28 – 29 og 30 eller 29 - 30 og 31. Ferien skal meldast barnehagen før 1.mai i ferieåret.

I veker med få påmeldte kan barnehagane bli slått saman. .

Den fjerde ferieveka skal så langt som råd ikkje splittast, og må meldast barnehagen minst 3 veker før den skal bli tatt ut.

## **6. Søknad om plass/Opptak i barnehagen/ Oppseiing av barnehageplass**

### **Søknad om plass.**

Det kan søkjast om plass for alle barn som er busette i Nissedal kommune.

Søknad om barnehageplass skjer på fastsett skjema. Foreldre som ynskjer at barnet skal byte barnehage/endre på opphalddtid må søkje om dette på eige skjema og slike søknader blir handsama i samband med hovudopptak.

Søknader som kjem inn etter søknadsfristen, vert handsama fortløpande.

Dersom det er ledige plassar etter at heile hovudopptaket er avslutta, kan opptak av barn frå andre kommunar bli vurdert. Dei får då barnehageplass for eitt år om gongen. Det må ikkje medføre ekstra kostnader for Nissedal kommune.

### **Opptak av barn til barnehagen**

Alle godkjente barnehagar i kommunen skal ha samordna opptak av barn.

Hovudopptaket skjer om våren.

Tildela plass i kommunal barnehage gjeld til barnet tek til på skulen.

Opptak av barn til barnehagen skjer administrativt, jfr. Delegasjonsreglement for Nissedal kommune.

Rådmannen har delegert oppgåva til einingsleiar for oppvekst.

Einingsleiar for oppvekst og pedagogiske leiarar i dei ulike i barnehagane innstiller til hovudopptaket.

Opptak til ledige plassar i løpet av året blir gjort av Einingsleiar for oppvekst i samarbeid med pedagogisk leiar i den aktuelle barnehage.

Formannskapet er klageorgan.

### **Oppseiing av barnehageplass.**

Barnehageplassen gjeld frå det tidspunkt plassen er tildela frå.

Plassen i barnehagen kan seiast opp med ein månads varsel gjeldande frå fyrste i fylgjande månad. Ein må betale for plassen i oppseiingstida. Oppseiinga skal vere skriftleg. Barnehageplass som blir sagt opp etter 01.april må ein betale for fram til 30.juni.

## **7. Opptakskriterier.**

Barn som fyller eitt år i løpet av august månad det året hovedopptaket skjer har lovfesta rett til barnehageplass.

Utover lovfesta rett til barnehageplass vert fylgjande kriterier lagt til grunn:

- a. Barn med nedsett funksjonsevne, jfr.§13 i Lov om barnehagar og sakkunnig tilråding
- b. Barn som er tilrådd av faginstans.
- c. Barn av einslege forsørgjarar.
- d. Barn som er 5 år i inneverande år.
- e. Under elles like forhold blir søsken til barn som alt har plass prioritera, og vidare etter det får det eldste barnet plass.

## **8. Betaling**

Nissedal kommunestyre vedtek foreldrebetalinga. Satsane for foreldrebetalinga blir rekna ut etter maksimalgrense for foreldrebetaling sett av Stortinget i sitt årlege budsjettvedtak.

Foreldrebetalinga skal betalast ein gong pr.mnd.

Det skal betalast for 11 månader i året.

Utgifter til kost kjem i tillegg og er etter sjølvkostprinsippet.

Barn som får spesialpedagogisk hjelp etter Opplæringslova, §5-7, får reduksjon i foreldrebetalinga i høve til tida som barnet får spesialpedagogisk hjelp.

Det blir gjeve syskenmoderasjon etter statlege reglar.

Dersom det er ledig kapasitet i barnehagen kan føresette som nyttar deltidsplass kjøpe ekstra dag etter fastsett gebyrreglar. Dette må avtalast med den aktuelle barnehage.

Det er ikkje fråtrekk i foreldrebetalinga for feriar, planleggingsdagar og liknande.

Manglande betaling kan føre til at plassen blir oppsagt og barnet mister plassen i barnehagen.

#### **9. Oppretting/avvikling av barnehagetilbod**

Dersom det vert meldt eit behov for eit barnehagetilbod for min. 6 barn i ein krins, kan kommunen vurdere oppretting av eit tilbod.

Dersom det vert mindre enn 6 barn i eit eksisterande barnehagetilbod, skal kommunen vurdere vidare barnehagedrift.

#### **10. Arealutnytting**

Nissedal kommune har fylgjande norm for arealutnytting:

4,0 m<sup>2</sup> leike- og opphaldsareal pr. barn over 3 år og 5,5 m<sup>2</sup> leike- og opphaldsareal for barn under 3 år.

#### **11. Internkontroll.**

Barnehagane følgjer Nissedal kommune sine vedtekne internkontrollrutiner, med tilpassing til barnehagane si verksemd.

**Vedtektene er gjeldande frå 01.03.11.**